

06545

R26
19

辨胎火胎毒及猴瘰癧論

夫小兒之有胎火胎毒何也或其父醉酒入房而得胎孕或既孕之後房慾不禁內蘊火毒又或其母滋味過厚忿怒無節驚喜不時火熱燔灼營血不清兒在胎中吸飲穢濁此皆先天受毒致產後或月內或月餘其毒驟發痛楚號泣臀腿焮紅紫暈其膚碎裂狀如刮痧或遍體焮赤或口糜難乳或咽腫音啞若不急治毒卽內陷腹滿氣逆致成胎驚而斃者多矣治以生大黃磨濃汁調入西黃末再以金銀花蘆根

甘草鈎勾煎湯沖服得大便瀉後其火自退毒氣外
泄卽可調理而愈 如或臀腫焮爛紅赤無皮或亦
有焮赤遍體者此卽名猴孫疳緣其父曾患下疳楊
梅惡疾服輕粉昇藥遏抑毒氣在內故遺毒於胎元
須以猴疳化毒丹治之四五十服可愈設或晚治毒
氣浸淫必內陷漸致形瘦神怯音啞鼻塞氣逆腹
滿而不可救慎之慎之

辨小兒赤遊丹遊火論

赤遊丹者乃心火內鬱三焦風熱乘之故發於肌膚之表風勝則樹木皆搖故令遊走殊速名之丹者以應心火而色赤也形如雲片土起風粟作癢而痛或發於手足或發於頭面胸背令兒躁悶腹脹發熱遊走遍體流行甚速須急治之自腹而流於四肢者易治自四肢而歸於腹者難療治宜涼心瀉肝如龍胆瀉肝湯犀角地黄湯之類又當順天時若暑熱以通聖辛涼之劑解之嚴寒以升麻葛根辛溫之劑解之

外宜用磁鋒砭去紫血以洩其毒再用精肉片貼之
或用鷄子清調乳香末塗之亦可又有色白者名白
遊風其候流塊作癢大小不等津水作爛此感風濕
而發治以踈散滲濕爲主 遊火者或頭面或腿上
紅赤腫熱流散無定以城水掃上旋起白霜者是也
其色光亮其熱如火治宜踈風清火涼血解毒外用
白海蟄皮洗淨拭乾包紮患處一伏時揭開看如蟄
皮黃枯卽另換一張包裹如此三四張卽消散矣

辨囊癰懸癰論

囊癰者陰囊癰腫乃足厥陰肝經所主由肝腎二經
陰虧濕熱下注而成初起腫痛小便赤澀當用龍胆
瀉肝湯清利解毒或芩連黃柏山梔薤仁木通甘草
當歸之類若膿已成而小便不利者是熱毒壅閉也
先用托裡消毒散後用針以泄之若膿已出而腫痛
不減者是熱毒未解也用清肝益營湯此證由陰道
虧濕熱不利所致故除濕滋陰藥不可缺若潰後膿
清或多或歛遲者須用十全大補湯加山萸丹皮澤

瀉以補益之如虛而不補少壯者多成痼疾老弱者
多致不起又有脫囊起時寒熱交作囊紅翠腫皮膚
濕裂隔日卽黑間日腐穢不數日間其囊盡脫羣丸
外懸勢若險重其實不妨皆由濕熱下流所致摻以
珍珠散以白玉膏蓋之內服四苓或革薢湯又有一
種水腫痛而皮色光亮無熱無紅內有聚水宜用
針針之引去水氣則安內服五苓等利濕之藥 懸
癰生於腎囊之後穀道之前又名海底漏最難收功
患此者俱是極虛之人由足三陰經虧損濕熱結聚

而發初生狀如蓮子曰久漸如桃李赤腫焮痛潰後
輕則成漏重則氣血瀝盡變爲癆瘵者多矣治法初
起腫痛而小便赤澀者肝經濕熱也龍胆瀉肝湯主
之若焮腫發熱者清肝解毒小柴胡去半夏人參加
車前黃栢芎歸甘草已潰者用八珍湯加製甘草柴
胡梢酒炒黃栢知母切不可過用寒涼損傷胃氣惟
製甘草一藥名國老散不損血氣不動臟腑其功甚
捷最宜用之

其始宜用之

其甘草一藥各四錢若不無血尿

則降而快黃尿狀則以不可斷用與

身而黃尿其甜甘草白濁者用八錢

之若無腫痛者用八錢若小兒服去半

其強而小便不通者用八錢若小兒服

則服八錢重則服血尿者服八錢若

而經時半用服半日八錢服半日

辨附骨疽附骨痰腎俞虛痰論

附骨疽者俗呼爲貼骨癰生於大腿外側骨上此陰

寒之證也凡人環跳穴

足少陽穴名

處無故酸痛久而不

愈者便是此證之兆蓋由元氣素虧風邪寒濕乘虛

入裡絡脉被阻失和致血凝氣滯而發始時臀腿間

筋骨痠疼甚者曲伸不能轉側不紅不熱皮毛不變

身體乍寒乍熱而不能作汗積日累月漸覺微微腫

起陰變爲陽寒化爲熱熱甚則腐肉爲膿此疽已成

也謂之附骨者以其毒氣深沉附著於骨也腎主骨

腎經陽和之氣不足故腎部隧道骨縫之間氣不宜
行而陰寒之邪得深襲伏結而陰血凝滯內鬱濕熱
爲潰爲膿古人有用附子者以溫補腎氣而又能行
藥力散寒邪也大畧此證初起治法宜用溫經通絡
宣達陽和滲濕補虛爲主若懸見滑數按之軟熟膿
已成也速宜開之毋使久畱延漫否則全腿俱潰矣
至出膿之後須溫養氣血扶胃和營方能速愈切不可
用寒涼外敷內服貽害非小 附骨痰者亦生於
大腿之側骨上爲純陰無陽之證小兒三歲五歲此

先天不足三陰虧損又或因有所傷致使氣不得升
血不得行凝滯經絡隱隱微痛遂發此瘍初起或三
日一寒熱或五日一寒熱形容瘦損腿足難以屈伸
有時疼痛有時不痛骨痠漫腫朝輕暮重久則漸漸
微軟似乎有膿及刺被後膿水清稀或有豆腐花塊
隨之而出腫仍不消元氣日衰身體縮小而顯鷄胃
鰲背之象唇舌乾焦二便枯秘或脾敗便泄飲食少
納漸成童癆而斃又大人亦有之男則係房勞不禁
色慾過度腎水乾涸而生女則由真陰不足經枯血

閉而發起時腰痛足軟腿膝痠楚漸漸腿股腫脹又
名股陰疽久則成膿或腰間腎俞穴腫硬色白卽名
腎俞虛痰二證潰膿後皆不能收功

辨流注腿癰陰陽虛實異證同治論

夫流注腿癰證雖殊而治則一要在辨其陰陽明其
虛實而已若因於風寒客熱或暑濕交蒸內不得入
於臟腑外不能越於皮毛行於營衛之間阻於肌肉
之內或發於周身數處而爲流注

有生於四肢關節
者有生於胃腹腰

臂者或發於腿上而爲腿癰此屬實邪陽證初起憎寒

壯熱或微惡寒發熱遍身骨節疼痛其腫處漸漸加

大斯時宜以發散透解或亦可以消散如身熱無汗

卽能成膿

大抵陽證流注出膿
卽似傷寒之出汗

其色雖白不可認作

陰證虛證

流注腿癰大
率皆色白

或亦有根盤白而頂微紅者

此必膿已成

流注腿癰成功即頂色白而脉
見滑數按之軟熟其膿已成

即欲開

之以泄其邪邪泄後方得熱退身涼而元氣自然來
復脾胃亦醒飲食有加數日間氣血充盈即能收口
矣其有體虛之人元氣不足或因鬱結傷脾暴怒傷
肝氣凝血滯或濕氣逆於內湊或寒邪入於筋絡或
濕痰阻於經隧或瘀血注於關節又或病後餘邪發
散未盡種種病由皆因真氣不能運行使邪氣壅滯
而爲患也其發爲流注也或結塊或漫腫或一或三

或五或七

流注總
是八數

此猶

未穿彼又腫起外候則惡寒

發熱飲食減少脉來細

弱此必培其脾胃祛其寒濕

調其營血脾胃健則血

自生而氣自運行豈可不固

其本根妄用寒涼剋伐

之劑而蹈虛虛之戒哉其發

爲腿癰也則漫腫無

皮色不變乍寒乍熱時痛時

痠筋屈不伸不能轉

苟非大補氣血溫經通絡何

以能使之消散更何以

使之速起速潰易斂易愈也

此虛證屬陰之治法

與證同揆惟貴學者審察而明

辨之耳

陽證流注腿癰必欲辨明風寒暑熱客於何部經絡總以發表和營如正旺邪實宜萬消化堅丸攻透方能無膿卽消有膿卽潰屢用屢驗切勿以藥味峻猛而避之如潰膿後急欲調和脾胃若久不斂口者方可補托如陰寒着骨而發足不能伸舒或身不能轉動必須用陽和湯溫經通絡潰後調

治與前同